



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS

SISWATI LULWIMI LWEKUCALA LWEKWENGETA (FAL)

LIPHEPHA LEKUCALA (P1)

2018

EMAMAKI: 80

SIKHATSI: Ema-awa 2

Leliphepha linemakhasi la-13.

TICONDZISO KULABAHLOLWAKO

1. Leliphepha lehlukaniwe TIGABA LETINTSATFU:
SIGABA A: Siviso (30)
SIGABA B: Sifinyeto (10)
SIGABA C: Takhi netimiso tekusetjentiswa kwelulwimi (40)
2. Phendvula YONKHE imibuto ngeSiswati.
3. Cala LESO NALESO sigaba ekhasini LELISHA.
4. Dwebela ekugcineni kwaleso NALESO sigaba.
5. Tinombolo tetimphendvulo atihambisane naleto letisephepheni lemibuto njengobe tinjalo.
6. Shiya umugca emkhatsini wetimphendvulo takho.
7. Caphelisisa sipelingi/lupelomagama nendlela lewakha ngayo imisho.
8. Kwehlukaniwa kwesikhatsi:
SIGABA A: Emaminithi 50
SIGABA B: Emaminithi 20
SIGABA C: Emaminithi 50
9. Bhala ngebunono nangesandla lesifundzekako.

SIGABA A: SIVISISO**UMBUTO 1**

1.1 Fundza lethekesthi bese uphendvula imibuto lelandzelako.

ITHEKSTHI A**INTFUTFUKO EMAKHAYA**

- 1 Ngehla etekisini ngibuya ejele lapho ngihleti khona iminyaka lengemashumi lamabili. Sengife kucalata ngibuka lokungimangalisako solo ngiya ngekusondzela kuleli lakitsi. Ngimangaliswe nguloku lengikubona kuyintfufuko leseyleneke kulenzawo yakitsi yaseNaas. Loku lengangikubona kulelilanga lekufika kwami kwakulite. Lokunyenti ngakubona ngekuhamba kwemalanga, lokunye bangicocela ngako bobhuti ekhaya. Ngalelinye lilanga bhuti wangicocela kutsi kadzeni bakhule ungekho umtsetfo lovimbela umntfwana loneminyaka lengaphasi kwelishumi nesiphohlongo kutsi asebente. Bantfu nobe bangakafundzi bebasebenta etimayini lapho kugujwa khona emalahle, ligolide nedayimane. Emantfombatana wona bekakhulisa bantfwana emakhaya ngesikhatsi emadvodza asemsebentini. Namuhla umtsetfo awukuvumi loko. 5
- 2 Lenzawo yakitsi seyaba nesiteshi semaphoyisa lokutsiwa sabasita ngalelinye lilanga tigebengu tivimbe imoto yemali. Kutsiwa imphi leyasuka lapho kudutjulwana tigebengu tifuna kutsatsa imali lekulemoto. Kutsiwa bantfu babaleka bangena etindlini batiphephisa, kepha bakhona labatfola kulimala lokungasho lutfo. Tigebengu tabona kutsi kumatima kutfola lemali, tabaleka, lomunye wato wangakhoni ngobe abesadutjulwe edvolweni. Amsatsa emaphoyisa ayomvalela atsemba kutsi nguyey lotawuveta laba lababalekile. Loko kwenta bantfu bemphakatsi bativa baphephile njengobe emaphoyisa sekasedvute ngalendlela. Waze washo bhuti kutsi sekunciphe nelizinga lekudlwengulwa nekuhlukunyetwa kwebantfu labasikati nebantfwana lebekuyinkinga lenkhulu yalapha kulenzawo. 15
- 3 Kutsiwa emaphoyisa abuka nekugcwala kwebantfwana emathaveni njengobe umtsetfo ungabavumeli bantfwana labaneminyaka lengaphasi kwalelishumi nesiphohlongo kutsi bangene ethaveni. Banikati bemathaveni bayati kutsi abakavunyelwa kutsi bayekele bantfwana labancane bangene emathaveni abo. Kwake kwenteka bantfwana bagcwala kulelinye lemathaveni akhona lapha kitsi. Kutsiwa banatsa badzakwa bantfwana kwesuka lenkhulu imphi kuliwa, bagwazana ngemabhodlela nangemikhwa, kwaba nababili labadutjulwa bafa. 20
- 4 Lapha ngasesiteshini semabhasi kunemfolamphilo lomkhulu, kulamalanga kuhlala kunemugca lomudze wabomake labaletse bantfwana batewujovela umkhuhlane njengobe kutawungena busika nje. Ubatfola bacoca bahleka ubone kutsi labantfu bajabulile. Lomfolamphilo usite kakhulu ngobe bantfu bebahamba libanga lelidze nabaya emfolamphilo loselokishini lelisedvute nalenzawo yakitsi. Nawugulelwa ngumuntfu bekudzinga kutsi ucashe imoto ukhokhe imali leshisiwe kutsi ayofika emfolamphilo. 35

5	Bekuba matima kakhulu ebusuku kuhamba uvusa bantfu balele ucela kutsi bakusite ngemoto, kepha namuhla sekulula konkhe loko, ngisho bogogo nabomkhulu nabalandza emaphilisi e-blood pressure, ashukela newemadvolo sebawafola edvute. Kulula ngisho nakulabalandza emaphilisi e-TB nalabo labanatsa lawa esandvulelangculazi (ema-ARV) sebayakhona kuwatfola dvutane. Akusakhokhwa mali kutsi utfole lusito lwetempilo.	45
6	Hulumende wente umsebenti loncomekako ngekusondzeta imfundvo etindzaweni letisemakhaya kute nalabo labangenayo imali bakhone kufundza. Akekho umntfwana lotawuyekela sikolo atsi akakhonanga kufundza ngobe angenamali.	50
7	Kwakhiwe bobhazabhaza betitolo kulenzawo. Tinyenti uyakhetsa kutsi ungena kusiphi, ingani letitolo titsengisa tintfo letehlukene njengefenisha, timphahla talabadzala netebantfwana kanye netekudla kwelizinga lelisetulu. Tibhidvo netitselo takhona ungatsi tikhiwa onkhe emalanga kute letisuke tisele ngayitolo ngendlela letibukeka titihle ngayo. Lapha eNaas sekukhona lonkhe luhlobo lwemabhange. Kukhona i-FNB, i-ABSA, i-Nedbank, Standard bank kanye ne-Capitec. Asisekho sidzingo sekugibela ematekisi uye edolobheni uma ufuna libhange.	55 60
8	Lenzawo iphindze ibe nenkhundla lenkhulu yetemidlalo lapho kuceceshwa khona bantfwana labanemakhono ekudlala imidlalo lenhlobonhlobo. Kutsiwa kukhona lesebaphumelele kulenkhundla batfolakala sebadlalela emacembu lamakhulu aseNingizimu Afrika. Kutsiwa kunemantfombatana lamabili lasadlalela licembu leBanyanabanyana. Emahemuhemu atsi munye walawo mantfombatana sewusendleleni ngoba utsengwa licembu lebhola yalabasikati leliseMelika. Ngayo-ke intfutuko lesasiyikhalela kutsi sibe nayo etindzaweni lesihlala kuto.	65

[Itsetfwe ebhukwini, *Bungani Bebangani*, SM Magagula, likhasi 4]

- 1.1.1 Khetsa YINYE imphendvulo. Nguliphi ligama lelinye leliso, 'umhlalaphasi'?
- A Sondlo
B Umsebenti
C Impesheni
D Sikhundla (1)
- 1.1.2 Yini lemangalisa lomnumzane njengobe abuka indzawo yakubo? (1)
- 1.1.3 Yini leyayentiwa ngemadvodza ngesikhatsi emantfombatana akhulisa bantfwana emakhaya? (1)
- 1.1.4 Yini lembi ngekutsi bantfwana bagcwale emathaveni? Bhala liphuzu LINYE. (1)

- 1.1.5 Umtfolamphilo wakulenzawo lesetheksthini ubaluleke ngani emphakatsini? Bhala emaphuzu LAMABILI. (2)
- 1.1.6 Bhala kube KUBILI lokwentiwa nguhulumende lokusita bantfwana ngaphandle kwalokubalwe etheksthini. (2)
- 1.1.7 Kuliciniso nobe kungumbono kutsi, uma ufundzile angeke uphindze uhlupheke? Sekela lombono ngemaphuzu LAMATSATFU. (3)
- 1.1.8 Khetsa YINYE imphendvulo. Lenkhulumo letsi, 'ukhokhe imali leshisiwe,' ichaza kutsini? Imali ... (1)
- A leyebiwe.
B yetipoko.
C lenyenti.
D lesetjentelwe.
- 1.1.9 Ngaphandle kwebhola yetinyawo, nguyiphi leminyane imidlalo labangacecshwa kuyo bantfwana? Bhala ibe MIBILI. (2)
- 1.1.10 Ngumiphi imiphumela lengenteka kulabasikati nebantfwana uma badlwenguliwe? Bhala emaphuzu LAMABILI. (2)
- 1.1.11 Msebenti muni lowentiwa bahlengikati ngaphandle kwekuba setibhedlela nakumitfolamphilo? Bhala ibe MIBILI. (2)
- 1.1.12 Ngabe abalulekile yini emaphoyisa emphakatsini? Sekela ngemaphuzu LAMABILI. (2)
- 1.1.13 Ucabanga kutsi kubakhona kwemabhange emphakatsini kuyabandzisa yini bugebengu? Bhala emaphuzu LAMABILI. (2)
- 1.1.14 Temidlalo tiyakuntjintja kuphila kwemtimba wemuntfu. Sekela lombono ngemaphuzu LAMABILI. (2)

1.2 Bukisisa lesibonwa bese uphendvula imibuto lelandzelako.

ITHEKSTHI B



[Itsetfwe ku-www.shutterstock.com]

- 1.2.1 Khetsa YINYE imphendvulo. Umuntfu nakageza tandla ngensipho usuke ativikela ...
- A kumavivane.
B kumagenge.
C kumaphela.
D kumagciwane. (1)
- 1.2.2 Bhala buhle nebubi bekugeza tandla empompini. (2)
- 1.2.3 Wena bewungenta njani kutsi wonge emanti nawugeza tandla? Bhala LINYE liphuzu. (1)
- 1.2.4 Ngekubona kwakho tandla kufanele tigezwe uma kwente njani? Bhala emaphuzu LAMABILI. (2)

SAMBA SESIGABA A: 30

SIGABA B: SIFINYETO**UMBUTO 2**

Fundza lethekesthi bese uyifinyeta ngemagama langengci kula-60 uvete emaphuzu lasikhombisa lameyalana **nekutivikela ebugebengwini**.

CAPHELA

1. Emaphuzu LASIKHOMBISA akabe yimisho legcwele futsi abe ngemagama LANGENGCI kula-60.
2. Sebentisa emagama AKHO.
3. Imisho yakho ayibe netinombolo kusuka ku-1 kuya ku-7.
4. Bhala liphuzu LINYE emshweni ngamunye.
5. Khombisa linani lemagama lowasebentisile ekugcineni kwesifinyeto uwafake kubakaki.

ITHEKSTHI C**KUTIVIKELA EBUGEBENGWINI**

Etitaladini taseNingizimu Afrika kwenteka bugebengu lobumangalisako imihla nemalanga. Bugebengu benteka yonkhe indzawo. Kungako kubalulekile kutsi wonkhe umuntfu atame ngako konkhe lokusemandleni kutsi akwati kutivikela.

Kuhamba ngekutetsembe kukwenta ubukeke unesibindzi futsi unemandla nobe kungasinjalo. Hamba uphakamise inhloko, emehlo akho angasuki ebantfwini, babuke bantfu ungabheki phasi. Tigebengu tifuna bantfu labakhombisa kwesaba. Nangabe uhamba emkhatsini webantfu uphetse *i-bag* yakho, yibambe ngekucopehelela. Nangabe *i-bag* yakho inelibhande lelilengako libambe ulisondzete kuwe ungaliyekeli lilenge, ne-*bag* yakho yisondzete kuwe. Tigebengu tiyabalandzela bantfu labalengisa ema-*bag*. Tikhiya tendlu ungatifaki ekhatsi kwe-*bag* loyiphetse ngobe nabangatsatsa le-*bag* kulula kutsi bayongena nasendlini yakho.

Kufanele sikwati kutsi tigebengu letinyenti tima ngasemishinini lapho kukhishwa khona imali. Ngaleso sizathu kufanele ema-ATM asetjentiswe ngekucapehela lokukhulu. Ungayisebentisi i-ATM letfolakala endzaweni lesitsole, khipha imali lapho kunebantfu khona. Faka imali yakho endzaweni lephephile ngembi kwekutsi usuke emshinini, unghambi ubala imali yakho emkhatsini webantfu, loko kutawenta kutsi bakulandzele baze bayofola indzawo lapho batakuvimbetela khona batsatse lemali.

Nawujakile kuyenteka upake imoto ungasanaki kukhiyeka kwayo. Nawupaka imoto ubocaphela kutsi uyikhiye kahle. Ungaphumi emotweni nangabe kufika bantfu labakutsengisela tintfo. Inhloso yabo kutsi wena uphume, batewutfole litfuba lekutsatsa tintfo lebatibona emotweni nobe bagcine batsetse yona lemoto. Nangabe umuntfu akutfole emotweni akutjele kutsi uliphoyisa ufuna kusesha imoto yakho, mtjele akukhombisa matisi lomgunyata kutsi uliphoyisa.

[Itsetfwe ku-Bittenbinder , likhasi 15]

SIGABA C: TAKHI NETIMISO TEKUSETJENTISWA KWELULWIMI**UMBUTO 3: SIKHANGISI**

Fundza lesikhangisi bese uphendvula imibuto lelandzelako.

ITHEKSTHI D**I-LIFEGAIN YETIMANGA!**

- I-LIFEGAIN Advanced Nutritional Supplement yentiwe ngesoya.
- Inemaprotheni nemanyutriyentsi.
- Ikunika emandla.
- Inemafuleva e-strawberry nevanilla.
- Ilwa netifo.
- Ibita R500,00.
- Itfolakala etitolo taka-Shoprite kuphela.

[Itsetfwe ku-www.lifegain.co.za]

3.1 Kukhangiswani kulesikhangisi lesingenhla? (1)

3.2 Kungani ligama lelitsi, 'LIFEGAIN' libhalwe ngalokwehlukile? (1)

3.3 Khetsa YINYE imphendvulo. Shano kutsi lenkhulumo lekulomusho longentasi iluhlobo luni.

Itfolakala etitolo taka-Shoprite kuphela. Inkhulumo ...

- A letsintsa imiva.
- B lehungako.
- C letsatsa luhlangotsi.
- D lengemaciniso.








(1)

- 3.4 Ngukuphi lokungenta batsengi bangawutsengi lomkhicito nawubuka isayizi nelinani lentsengo esikhangisweni? (1)
- 3.5 **Kuliciniso** nobe **kungumbono** kutsi iLIFEGAIN icedza tonkhe tifo emtimbeni? Sekela imphendvulo yakho ngemaphuzu LAMABILI. (2)
- 3.6 Ngutiphi tinongo letenta i-LIFEGAIN inambitseke ibe mrandzi? Bhala KUBILI. (2)
- 3.7 Ngekubona kwakho ngabe lomkhicito wentelwe bobani? Sekela imphendvulo yakho. (2)
- [10]

UMBUTO 4: IKHATHUNI

Fundza lekhathuni bese uphendvula imibuto lelandzelako.

ITHEKSTHI E

<p>Nx! Ngiyayekela kutivocavoca mine, kumatima lapha.</p>  <p>Zama, mine ngifuna kungcwaba emafutsa emtimbeni.</p>  <p>IFREYIMI 1</p>	<p>Ciniselani, bodzadze nami ngiyachubeka.</p>  <p>IFREYIMI 2</p>
<p>Inkinga yami kutsi ...</p>  <p>Ntjintja indlela lowenta ngayo. Wena awutimiseli.</p>  <p>IFREYIMI 3</p>	<p>(Batibindzele bangabe basakhuluma.)</p>   <p>IFREYIMI 4</p>

[Itsetfwe ku-Drum, Lweti 2016, likhasi 60]

- 4.1 Catsanisa buso balaba labasefreyimini ye-1. (2)
- 4.2 Lamadothi lasefreyimini ye-3 achazani? (1)

- 4.3 Yini lekhombisa kutsi insimbi lephakanyiswa ngulendvodza lesefreyimini ye-2 iyasindza? Bhala emaphuzu LAMATSATFU. (3)
- 4.4 Catsanisa inkhulumo-mabhamuta lesetjentiswe kufreyimu ye-2 naletinye tinkhulumo letikulekhathuni. (2)
- 4.5 Ngekubona kwakho ngabe lusetjentiswe kahle yini loluphawu, '!', lolusefreyimini ye-1? (2)
[10]

UMBUTO 5: IPHROZI

- 5.1 Fundza lethekesthi bese uphendvula imibuto lelandzelako.

ITHEKSTHI F

1	Tindzaba letifundvwa bantfu ngito letenta emaphephandzaba atsengiswa kangaka. Bafundzi bemaphephandzaba akukho lokunye lebakufunako uma bafundza ngaphandle kwato tindzaba, ecinisweni bafuna kwati kutsi kwentekani etindzaweni lebahlala kuto kanye nasetindzaweni letikhashane nabo. Bantfu bomela lwati ngaso sonkhe sikhatsi, kungako uyaye ubone emaphephandzaba atsengwa butsaputsaphu. Loku bakwenta emalanga onkhe kuhle kwemisebenti yabo. Hhayi-ke tintfo tiftufuka kakhulu ngobe liphephandzaba lebalifundza lonkhe live lakitsi i <i>Sunday Times</i> seliyatfolakala yonkhe indzawo.	5 10
2	Emaphephandzaba atsandvwa kangaka nje ngoba angulenywe indlela yekuchumana lehalwe phasi. Liphepha lekucala lapha eNingizimu Afrika lashicilelwa ngemnyaka we-1 800 eKapa. Lidolobha nelidolobha lelikhulu lineliphephandzaba lalo lelatiwako. Bantfu labafundza emaphephandzaba banelwati futsi ubeva nobe bakhuluma kutsi umcondvo wabo usabalele futsi uhlutekile.	15

[Itsetfwe encwadzini, *Sivula Emasango*, likhasi 228]

- 5.1.1 Phindza ubhale lomusho ulungise ligama lelikubakaki.
Bantfu (bafundvwa) tindzaba. (1)
- 5.1.2 Bhala leligama lelidvwetjelwe likhombise buncane.
Lidolobha lelatiwako. (1)
- 5.1.3 Kulomusho lolandzelako kuneligama lelibuniyo libhale phasi.
Umcondvo wabo usabalele. (1)
- 5.1.4 Bhala lomusho uwentu uphike.
Emaphephandzaba atsengwa butsaputsaphu. (1)

- 5.1.5 Phindza ubhale lomusho lolandzelako ukhombise bunye.
Emaphephandzaba atsandvwa kakhulu. (2)
- 5.1.6 Bhala emagama laphikisa lawo ladwetjelwe emishweni lengentasi.
- (a) Emaphephandzaba atsandvwa kakhulu. (1)
- (b) Etindzaweni letikhashane nabo. (1)
- 5.1.7 Phindza ubhale lomusho ucale ngekutsi, 'kusasa'.
Itolo bantfu bebomele lwati. (2)
- 5.1.8 Phindza ubhale lomusho ucale ngeligama, 'kudla'.
Make utsenga kudla. (2)
- 5.1.9 Endzimeni ye-1 bhala ligama lelisinongo senkhulumo uphindze usho kutsi siluhlobo luni. (2)

5.2 Fundza lesibonwa bese uphendvula imibuto lelandzelako.

ITHEKSTHI G

<p>thembi, bewukuphi ngobe umncintiswano sewutawucala?</p> <p>IFREYIMI 1</p> <p>Ngiyacolisa Sipho bengiye edolobheni.</p> 	<p>Buka lapha boSipho kumele sibadlule.</p> <p>IFREYIMI 2</p> <p>Tsine ngete sahluleka.</p> 
<p>Bantfu labadzala abayingeni yemncintiswano.</p> <p>IFREYIMI 3</p> <p>Bangakwehlula bantfwana.</p> 	<p>Uyati ngikhuluma ngihleka, angeke silibone.</p> <p>IFREYIMI 4</p> <p>Eish! kukhohlwa kwami!</p> 

[Itsetfwe ku-Bona, Mabasa 2017, likhasi 55]

5.2.1 Khetsa YINYE imphendvulo. Sebentisa sabito selucobo lesifanele lesingamela libito lelidwetjelwe emshweni longentasi.

Bangakwehlula bantfwana.

- A Tona
- B Bona
- C Sona
- D Kona

(1)

5.2.2 Kulomusho lolandzelako kuneligama lelingakapeleki kahle, libhale ulilungise.

thembi, bewukuphi?

(1)

5.2.3 Phindza ubhale lomusho bese ulungisa ligama lelikubakaki.

Ngiyacolisa Sipho bengiye (lidolobha).

(1)

- 5.2.4 Bhala ligama lelichazako emshweni longentasi.
Bantfu labadzala abayingeni yemncintiswano. (1)
- 5.2.5 Shano kutsi lemisho lelandzelako ikutiphi tindlela tesento:
- (a) Uyati ngikhuluma ngihleka. (1)
- (b) Eish! kukhohlwa kwami! (1)
- [20]**

SAMBA SESIGABA C: 40
SAMBA SAKO KONKHE: 80